

## कलस्सीथेंमैए ल्हागिर पावलइ फ्हिबै फ्हिछ्या

फ्हिबै म्हिः पावल ।

फ्हिबै क्त्हयोः एफिसस सहरबै झेलर ।

फ्हिबै त्हेः ई. सं. इहज्युसे टु (५६) साल जरे, अथवा वि. सं. प्रसे च्युसे सों (११३) साल जरे ।

फ्हिल् त्हुबै तांः कलस्सी नाँस तिंजोरोबै टर्कि बिबै ह्युलर मुँल । कलस्सी नाँस एफिसस सहरने चेंदो मुँल । पावल कलस्सीर आह्याल, दिलेया चइ एफिसस सहरउँडले च खाउबै नाँसजरे येशू ख्रीष्टए बारेबै ताँमै बिमिंवर म्हिमै कुलिंमल । छतसि पावलइ चबै बिश्वासीमै ह्त्तोंसए जिम्मर मुँ बिसि मैल । दिलेया कलस्सीर स्योलिबै ताँमै लोमिंबै म्हिमै खना बिब पावलइ सेइ । च स्योर ताँ लोमिंबै, “ह्त्तोंसए पापउँडले फ्रेबै ल्हागिर म्हिमैइ नर्गबै ताँन् दुष्टए शक्ति मुँबै सैमैए म्हाँदिल् त्हुम्, झाइले यहूदीमैए छ्यार बिब् धोलेन् ज्युबै ज्युर चिनु लल् त्हुम्, अरू रोसमै या म्हाँदिल् त्हुम्,” धै चबै समै या को-कोइ जुट् तम् चल् आत बिसि लोमिमल ।

च स्योलिबै ताँमै आम्हाँदिरिगे बिसि पावलइ प्रभु येशूए बारेबै क्त्होंसेन्बै ताँमै फ्हिब् ग । येशू ख्रीष्टजी मत्त्रे म्हिमै जोगेमिल् खाँम्, म्हिमै अरू रोसमै लिलि प्रस्याँ ह्त्तोंसलाइन येशूउँडले फ्रेवाबुँ । ख्रीष्टउँडले परमेश्वरजी ह्युलबै ताँन् सैमै बनेइ, झाइले ख्रीष्टउँडलेन् परमेश्वरजी ह्युलबै ताँन् सैमै खीने क्त्हिल् लमिंडमुँ । ख्रीष्टने घिन् तस्याँ मत्त्रे ह्युलबै म्हिमै जोगेल् खाँम् बिसि पावलइ ख्रीष्टए फिर बिश्वास लबैए ल्हागिर लल् त्हुबै केमैए बारेर फ्हिइमुँ ।

चु फ्हिछ्या कलस्सिर तुखिकस बिबै म्हिइ बोल। चने ओनेसिमसै या ह्याइ। च ओनेसिमस फिलेमनए केब्छै मुँला, दिलेया च फिलेमनने फ्रेसि रोम सहरर भौदिह्याल। च त्हरि भौदिह्याबै केब्छैलाइ थेबै दण्ड पिंमल, दिलेया पावलइ ओनेसिमसने त्होसि फिलेमन नेरो च क्त्हरिगे बिसि फ्हिछ्या घि फ्हिइ। च फ्हिछ्या छारा बाछाबै “फिलोमन” बिबै कितबर डचोइ खेल् योम्।

चु फ्हिछ्यार मुँबै तामैं

ओंसोंबै ताँ १:१-१२

ख्रीष्ट ताँन् भन्दा थेब ग १:१३—२:१९

ख्रीष्टए फिर बिश्वास लबइले आडिहंन्ले खीजी बिबै घ्यार प्रब २:२०—४:६

आखिरि तामैं ४:७-१८

1 परमेश्वरजी त्हाँबइले येशू ख्रीष्टजी कुल्मिंबै चेला चिब ड पावल नेरो डचोए अलि तिमोथीउँइले,

2 कलस्सी नाँसर मुँबै बिश्वासीमेंलाइ जय मसीह मुँ। क्हेमें येशू ख्रीष्टए फिर बिश्वास लबै डिए अलि-अडामैं नेरो परमेश्वरए म्हिमें ग।

डचोए परमेश्वर आबाजी क्हेमेंए फिर खीए दयाम्हाँया नेरो शान्ति पिंरिगे।

00000000 000000 00000000

3 डिइ क्हेमेंए ल्हागिर प्राथना लमा डचोए प्रभु येशू ख्रीष्टए आबा परमेश्वरलाइ खोंयोँइ या धन्यबाद पिंम्।

4 तलेबिस्त्याँ येशू ख्रीष्टए फिर क्हेमेंइ लबै बिश्वास नेरो परमेश्वरए म्हिमें ताँनने क्हेमेंइ म्हाँया लइमुँ बिसि डिइ थेइमुँ।

5 क्हेमेंइ योल् त्हुबै सैमें परमेश्वरजी क्हेमेंए ल्हागिर स्वर्गर जोगेथेंइमुँ बिबै आशा लसि क्हेमेंइ छाबै बिश्वास नेरो म्हाँया लब ग। चु आशाए ताँ ओंसोंन् ख्रीष्ट उँइले खबै सैं तोंबै ताँ उँइले सेल।

6 ओंसों कहेमैइ परमेश्वरए दयाम्हाँया खैब मुँन बिसि क्होबै त्हिंइ सेरोन् कहेमैइ च सैं तोबै ताँ क्होंसेन् ग बिसि सेल । च त्हिंइ सेरो च ताँइ लमा कहेमै न्होरि आशिक योंइमुँ । च ताँ कहेमैइ थेब् धोंलेन् ताँन् ह्युल जरे या थेनेसिन् मुँ धै म्हिमैइ आशिक योंसिन् मुँ ।

7 डिने बालु के लबै खोबै थु इपाफ्रासउँइले कहेमैइ सैं तोबै ताँ थेइ । चइ कहेमैए ल्हागिर येशू ख्रीष्टए भर पर्दिल्ले के लइमुँ ।\*

8 परमेश्वरए पबित्र प्ल्हजी कहेमैलाइ पिंबै म्हाँयाए बारेर चइ डिने बिइ ।

9 छतसि च ताँ थेबै त्हिंइ सेरोन् डिइ कहेमैए ल्हागिर प्राथना लब आपिइमुँ । परमेश्वरए पबित्र प्ल्हजी पिंबै बुद्धि नेरो क्होबै सैं योंसि कहेमैइ खीजी बिब् धोंले तो के लल् त्हुम् बिसि छेनाले क्होरिगे बिसि डिइ यो छ्युँ लम् ।

10 च क्होस्याँ कहेमैइ प्रभुए सैं तोन् लसि खीजी खोबै छ्ह थोब्मुँ, धै कहेमैइ ताँन् खालर्बै छ्याँबै के लमा कहेमै छ्याँबै रो रोबै धुँ धों ततै परमेश्वरए ज्ञानर बडिदै ह्याब्मुँ ।

11 कहेमैए फिर तो तलेया कहेमैइ दुक्कले सैदिल् खाँरिगे बिसि परमेश्वरए थेबै शक्तिउँइले ताँन् भों योरिगे । छतसि कहेमै सैं तोंदै भोंसि तद् ।

12 तलेबिस्याँ ख्रीष्टए फिर बिश्वास लब्मैइ परमेश्वरए चारबै ग्यालसर योंल् त्हुबै सैमैं योंबै हग खीजी कहेमैलाइ पिंइमुँ । छतसि परमेश्वर आबालाइ धन्यबाद पिन् ।

13 खीजी डचोलाइ शैतानए मिछ्छु खैबै ग्याल्सउँइले फ्रेपखसि खीए खोबै च्ह येशू ख्रीष्टए ग्याल्सर पखइमुँ ।

14 खीजीन् डचोए पाप क्षमा लमिसि डचो जोगेमिंइमुँ ।\*

[\[?\]\[?\]\[?\] \[?\]\[?\]\[?\]\[?\]\[?\]\[?\] \[?\]\[?\]\[?\] \[?\]\[?\]\[?\] \[?\]\[?\] \[?\]\[?\]](#)

15 म्हिमेंइ परमेश्वर म्रौल् आखाँ, दिलेया परमेश्वर खैब मुँ, येशू ख्रीष्टै या छाबन् मुँ। परमेश्वरजी ह्युल बनेब् भन्दा ओसोन् ख्रीष्ट मुँल, खी ताँन् बनेबै सै भन्दा थेब ग।

16 तलेबिस्याँ ख्रीष्ट उँडैलेन् परमेश्वरजी स्वर्ग नेरो पृथ्वीबै ताँन् सैमै बनेइ। म्रौल् खाँबै सैमै, म्रौल् आखाँबै सैमै, ताँन् शक्ति मुँबै सैमै परमेश्वरजी ख्रीष्ट उँडैलेन् ख्रीष्टए ल्हागिर्न बनेइ।

17 ख्रीष्ट ताँन् सै भन्दा ओसोँ मुँल, खीजी खै बिमुँ ताँन् सैमै छाँन् तम्।

18 खीए फिर बिश्वास लब्बै खीए ज्यु ग, चमैए ऋ खीन् ग। खीजी चमैलाइ सोल् लमिंमुँ।\* ख्रीष्ट ताँन् सै भन्दा थेब तरिगे बिसि परमेश्वरजी ताँन् भन्दा ओसोँ ख्रीष्टलाइ सोगोँ लमिंइ।\*

19 तलेबिस्याँ खीने मुँबै ताँन् गुनमै ख्रीष्टने मुँबइले परमेश्वर सैँ तोँइ।

20 छले कूसर येशूजी कोए खो पिंबइले परमेश्वरजी पृथ्वी नेरो स्वर्गर मुँबै ताँन् सैमै खीने बालुन् किह्लल् लमिंइ।\*

21 ओसोँ क्हेमैँइ आछ्याँबै सैले पापए केमै लसि परमेश्वर उँडैले हेंगो तयासि खीए शत्तुरमैँ तल।

22 दिलेया खीए उँडैर तोइ छ्याब् आरेल्ले पबित्र लमिंबै ल्हागिर म्हिए क्हो किसि युबै ख्रीष्ट कूसर सिमिंबइले परमेश्वरजी क्हेमैँ खीने किह्लल् लमिंइमुँ।

23 छतसि येशू ख्रीष्टए फिर भोन्ले बिश्वास लसि क्हेमैँइ ख्रीष्ट उँडैले खबै सैँ तोँबै ताँ उँडैले योँबै आशा आपिल्ले टिद्। (च आशा तो मुँ बिस्याँ डचो येशूने बालु स्वर्गर तब्मुँ।) चु सैँ तोँबै ताँ बिप्रबै ल्हागिर परमेश्वरजी ड पावलइ या के लबर ल्हाँइमुँ, धै चु ताँ स्वर्ग न्होरि ह्युल तिगोँन् ताँन् म्हिमैने बिमिंइमुँ।

000000 0000000000000000 00000000 0000 000000, खी सुरु या मुल तम् ☆ 1:18

\* 1:18 1:18 0000 00000000 0000 00000000 000000 00000000, खी सुरु या मुल तम् ☆ 1:18  
1:18 000 0:२२-२३ ☆ 1:20 1:20 000 0:३६

24 कहेमैए ल्हागिर दुःखन् योरिलेया ड सैं तोंइमुँ, तलेबिस्याँ ख्रीष्टए ज्युए ल्हागिर, खी क्वेब्मैए ल्हागिर डज्यै या नोल् त्हुबै दुःख डए ज्युर्न नोसि पूरा लम् ।

25 परमेश्वरजी पिंबै सैं तोंबै ताँ डइ कहेमैलाइ छेनाले बिमिरिगे बिसि खीजी विश्वासीमैए ल्हागिर के लबै म्हि ड तल् पिंडमुँ ।

26 ओंसों ओंनोंन् म्हिमैइ आसेबै चु औदिबै ताँ तियाँ खीजी खीए म्हिमैने सेल् लमिंडमुँ ।

27 ताँन् हेंमैए ल्हागिरै या परमेश्वरए ताँ कति थेब मुँ बिसि खीजी ह्रांसए म्हिमैलाइ था सेमिंब सैं लइ । च औदिबै ताँ तो जा बिस्याँ कहेमैए सैं न्होर ख्रीष्ट मुँब् ग । ख्रीष्ट कहेमै न्होर मुँबइले कहेमैज्यै या परमेश्वरउँइले थेबै मान योँब्मुँ ।

28 ताँन् म्हिमै ख्रीष्टर भोसि तरिगे बिसि डिइ ख्रीष्टउँइले खबै बुद्धिए ताँमै लोमिंदै ताँन् म्हिमैने न्ह क्रों मि क्रोले टिद् बिम् ।

29 डए सैं न्होर ख्रीष्टजी थेंमिंबै भोँउँइले ड खेबै दुःखन् तलेया चु के लम् ।

## 2

1 कहेमै कलस्सिथेंमै, लाउडिकियाथेंमै नेरो ड खोयोँइ या आम्रोंब्मै ताँनए ल्हागिरै या डइ बेल्ले दुःखले के लइमुँ बिबै ताँ कहेमैइ सेरिगे बिब डए सैं मुँ ।

2 कहेमै ह्राँ-ह्राँसए न्होर म्हाँयार सैं घ्रि तसि कहेमैए सैं भोँब् तरिगे, धै परमेश्वरउँइले खबै क्हुँसेन्बै बुद्धिइ प्लिंसि परमेश्वरइ लोथेबै ताँ कहेमैइ सेरिगे । च ताँ तो जा बिस्याँ, येशू ख्रीष्ट डो सेल् योँब् ग ।

3 तलेबिस्याँ ताँन् ज्ञान बुद्धिमै ख्रीष्टनेन् मुँ ।

4 स्योलिबै ताँमै पोसि खाबज्यै कहेमै लुल् आखाँरिगे बिसि ड कहेमैने बिइमुँ ।

5 तलेबिस्याँ ड कहेमैंउँडले हेंगो मुँलेया ड खोंयोंन् बिलै कहेमैंलाइ मैरिम्। कहेमैं ख्रीष्टए फिर बिश्वास लबर भोंब् तसि बालुले टिरिब् प्रोंसि डए सैं तोंडमुँ।

११११ ११११११११११११११ १११११११ ११११११११ ११

6 छतसि कहेमैंइ ख्रीष्ट येशूलाइ प्रभु बिसि म्हाँदिब् धोले खीनेन् घनि तसि छह थोद्।

7 खैले सिं धुँए जरा सरि न्होंन्हों च्योंमु, छलेन कहेमैं छह थोमा ख्रीष्टलाइ सैं पिंसि भोंब् तद्। इपाफ्रासइ कहेमैंलाइ लोमिंब् धोलेन् ख्रीष्टए फिर अझै बिश्वास भोंब् लद्। धै खोंयोंन् बिलै धन्यबाद पिंबै सैं प्ह्याद्।

8 छतसि न्ह क्रों मि क्रोंले टिद्! म्हिउँडले खबै केर आफेबै स्योलिबै ताँड कहेमैं परमेश्वरए क्हाँसेन्बै घ्याँउँडले फ्रेल् आखाँरिगे। छाबै स्योलिबै ताँमैं ख्रीष्टउँडले खब आडिं, ह्युल ग्याल्स ओलेबै मोंमैंउँडले नेरो म्हिमैंइ लबै रोसमैंउँडले खब् ग।

9 छतसि छाबै स्योर ताँ आक्वेन्, तलेबिस्याँ परमेश्वरने मुँबै ताँन् गुनमैं येशू ख्रीष्टने मुँ।

10 कहेमैं ख्रीष्ट येशूने घनिन् तबइले छहर योल् त्हुबै ताँन् सैमै योंबै क्न्हयोर कहेमैं फेखइमुँ। ताँन् शक्तिमैं नेरो ग्याल्समैंए फिबैं थेब खीन् ग।

11 ख्रीष्टए फिर बिश्वास लसि कहेमैं ज्युर चिनु लब् धोंन् तइ। दिलेया च ज्युर चिनु लब म्हिमैंइ लब आडिं, ख्रीष्टजी लबै सैंबैं चिनु ग। ख्रीष्टजी च सैंबैं चिनु लमा कहेमैंए सैंबैं आछ्याँबै सिमैं थोवाइ।

12 छलेन कहेमैं क्युर प्हुँसि बप्तिस्मा किमा कहेमैं ख्रीष्टनेन् बालु सिसि पाब् ग। परमेश्वरजी ख्रीष्टलाइ सिबइले धबै सोगों लमिंल, धै कहेमैंइ खीए शक्तिए फिर बिश्वास लबइले खीजी कहेमैंलाज्यै या ख्रीष्टनेन् बालु सोगों लमिंइमुँ।✧



21 “चु सै छेल् आत,” “फलना सै चल् आत,” “चने छुइल् आत,” बिबै ताँमेंए लिलि तले प्ररिमुँ?

22 (च ताँन् सै चसि थुँसि म्हयाब् ग ।) तलेबिस्याँ च म्हिमैइ लबै छ्यामैँ नेरो चमैँइ लोमिबै ताँ मत्त्रे ग ।

23 चु छ्यामैँइ बिब् धोले “छले म्हाँदिल् त्हुम्, छुले म्हाँदिल् त्हुम्!” धै “ह्रोसए ज्युलाइन बेल्ले दुःख पिंसि ह्रोस च्योब् लल् त्हुम्!” च ताँमैँ बुद्धि मुँब् धो ग बिलेया चमैँल क्ह्रोसैँन्बै बुद्धि आरे । च छ्यामैँइ डचोए ज्युबैँ आछ्याँबै इच्छामैँ म्हल् लल् आखाँ ।

### 3

1 क्हेमैँ ख्रीष्टने बालुन् सोगोँ तसि रेइमुँ!\* छतसि स्वर्गबैँ सैमैँ म्हैद । स्वर्गर परमेश्वरए क्योलोउँइँ ख्रीष्ट येशू टिइमुँ ।\*

2 छतसि क्हेमैँए सैँ चु पृथ्वीबैँ सैर आल्हैदिद, स्वर्गर मुँबै सैमैँ म्हैद ।

3 तलेबिस्याँ क्हेमैँ चु ह्युलए ल्हागिर सिल् खाँइमुँ, धै क्हेमैँए क्ह्रोसैँन्बै छह ख्रीष्टने बालुन् परमेश्वर डार लोथेँइमुँ ।

4 डचोलाइ छह पिंब येशू ख्रीष्ट ग, धै खी धबै ह्युलर युमा क्हेमैँ या खीने बालुन् म्रोसि मान योँब्मुँ ।

?????????? ???? ???? ???? ????  
 ??????????

5 छतसि क्हेमैँ ह्युलबैँ सैजरे सैँ आह्यादः फ्रें क्त्योँब नेरो रण्डबाजी लसि फोहोरी के आलद, छाडा आतद, दुष्ट सैँ आह्याब नेरो लोब आलद । लोब लबम् कु पूजा लब् धोँ तब् ग ।

6 छाबै पापमैँ म्रोसि बिब् आडिँब्मैँए फिर परमेश्वर बेल्ले हिस खम् ।

7 क्हेमैँ या ओँसोँ छाबन् सैँ ह्यासि चु सैँमैँन् म्है प्रमल ।

\* 3:1 3:1 00000000 000000 000000 000 000000 0000 00000000 00 000000000 00000 000000  
 00000 0000000000 ✨ 3:1 3:1 00 000:?

8 दिलेया तारे कहेमैज्यै चु तान् सै पिवादः हिस खब ने आगुए फिर हिस लब, आगु स्यारब, ह्रांसए सुँउँइले आछ्याँबै ताँ पोंब पिवाल् त्हुम् ।

9 घिइ घिने स्योर आतेद, तलेबिस्याँ कहेमैइ ह्रांसए ओंसोंबै आछ्याँबै बानि नेरो चइ लरिबै आछ्याँबै केमै पिवाल् खाँइमुँ ।✽

10 छतसि छारा बानि योंसि तारे कहेमैइ छ्याँबै सैं प्यासि छारा म्हिमै तइमुँ । धै कहेमैइ खीलाइ छेनाले डो सेरिगे बिसि परमेश्वरजी चु छ्याँबै छारा म्हि बनेसि खी धोंबन लमिंरिइमुँ ।✽

11 छतसि तान् म्हिमै घिन् तइमुँ । यहूदीमै मुँलेया, अरू हेंमै मुँलेया, ज्युर चिनु ललेया आललेया, आखेभैं, तोइ आह्रभैं मुँलेया, केळ्छेंमै डिंलेया आडिंलेया, तो मुँलेया, च तान् परमेश्वरए उँइर तोइ फरक आरे । ड्योलाइ चैदिबै सै खीष्ट मत्त्रे ग, धै तान् म्हिए सैं न्होर खीष्ट टिम् ।

12 कहेमै परमेश्वरजी खोबै त्हाँबै पबित्र म्हिमै ग । छतसि खीए म्हिमै तबइले कहेमैइ आगुए फिर ल्हयो खसि छ्याँबै के लब, थेब् आफ्हाँब, हिस आखब, धै सैदिल् खाँब तद् ।

13 घिइ तोइ लवास्याँ घिज्यै या सैदिब्रें लद्, खाब् मुँले म्हिलाइ छ्याब् ल्हैदिबै ताँ तोइ मुँस्याँ घिइ घिलाइ क्षमा लब्रें लद् । कहेमैलाइ प्रभुजी क्षमा लमिंब् धोंलेन कहेमैज्यै या अरूलाइ क्षमा लमिंल् त्हुम् ।✽

14 चु तान् सै भन्दा अरूलाइ ल्हें म्हाँया लबै सैं प्याद् । म्हाँयाइ लमा आक्ह्रभैं तान् किह्ल् खाँम् ।

15 कहेमैए सैंर खीष्टजी पिबै शान्तिइ प्तिंरिगे । कहेमै तान् ज्यु घिर्न किह्लसि शान्ति योंरिगे बिसि परमेश्वरजी कहेमै त्हाँब् ग । धै धन्यबाद पिंभैं तद् ।

16 खीष्टउँइले खबै सैं तोंबै ताँ कहेमैए सैं न्होर थेंन् । बेल्ले

बुद्धि मुँल्ले घ्रिइ घ्रिलाइ लोमिसि अर्थि पिन्। खों न्होंउँडले धन्यबाद पिसि परमेश्वरए मिं क्वेबै ल्हागिर भजन, क्वेमैं नेरो पबित्र प्न्हजी पिंबै क्वेमैं प्रिसि सैं न्होंउँडले खीए मिं क्वेद।

17 क्वेमैंइ तो ताँ पॉलेया, तो के ललेया, येशूउँडलेन् परमेश्वर आबालाइ धन्यबाद पिंदै प्रभु येशूए मिर लद।✧

2222222222 222222 2222 22 22222222  
2222222222

18 ओ च्हमिरिमैं, क्वेमैं प्रभुए उँडर छ्याँब तबै ल्हागिर ह्नां-ह्नांसए प्युँए न्होर टिद।✧

19 ओ मुँयुँमैं, क्वेमैंए प्हेंस्योलाइ म्हाँया लद, चमैंए फिर सैं सार् आफ्याद।✧

20 ओ कोलोमैं, आबा-आमाइ बिबै तामैं डिन्, तलेबिस्याँ क्वेमैंइ आबा-आमाइ बिब डिंस्याँ परमेश्वर सैं तोंम्।✧

21 ओ आबामैं, ह्नांसए कोलोमैंलाइ हिस खल् आलद। आस्याँ चमैंए सैं च्योँब् तम्।✧

22 ओ केब्छैंमैं, क्वेमैंए चु ह्युलबैं क्त्हेमैंइ बिबै ताँ डिन्। चमैंए उँडर सैं तोंन् लबै ल्हागिर मत्त्रे के आलद, दिलेया प्रभु येशूइ प्रोसिन्मुँ इहाँसि “डइ लल् त्हुबै के लल् त्हुम्” बिसि क्त्हेमैंए न्होर टिद।

23 क्वेमैंइ तो ललेया सैं न्होंउँडलेन् लब्रें लद। म्हेए सेवा लब् धोले आडिं, प्रभुए सेवा लब् धोले लद।

24 छ् लस्याँ क्वेमैंइ योल् त्हुबै इनाम प्रभुए योउँडले योँब्मुँ, तलेबिस्याँ क्वेमैंइ प्रभु ख्रीष्टए सेवा लरिइमुँ।

25 दिलेया आछ्याँबै के लब्मैंइ आछ्याँबै नोंन् योँब्मुँ, तलेबिस्याँ परमेश्वरजी खाबलाज्यै या आफेल।✧✧

✧ 3:17 3:16-17 000 0:१९-२० ✧ 3:18 3:18 000 0:२२; १ पत्र ३:१ ✧ 3:19 3:19 000 0:२५; १ पत्र ३:७ ✧ 3:20 3:20 000 0:१ ✧ 3:21 3:21 000 0:४ ✧ 3:25 3:22-25 000 0:५-८ ✧ 3:25 3:25 000 00:१७; एफि ६:९

## 4

1 ओ क्लहेमैं, क्लहेमैंलै या स्वर्गर क्लहे मुँ बिब् सेसि क्लहेमैंइ ठिकले नेरो छेनाले केब्बै,मैं के ल्हैदिद् ।\*

?? ???? ???? ?

2 परमेश्वरलाइ धन्यवाद पिसि आनारल्ले न्ह क्रो मि क्रोले खोंयोँइ या प्राथना लरिद् ।

3 स्त्रीष्टए बारेबैं ओसों था आसेबै छ्याँबै ताँ\* बिप्रबइले ड चुर झेलर टिल् त्हुइ । छ्तसि परमेश्वरजी डिलाइ च ताँ बिप्रबै छ्याँबै मौका पिरिगे बिसि डिए ल्हागिरै या प्राथना लद् ।

4 डइ सैं तोँबै ताँ पोमा म्हिमेंलाइ छेनाले क्लोमिंल् खाँरिगे बिसि डए ल्हागिर प्राथना लमिंन् ।

5 येशू स्त्रीष्टए फिर बिश्वास आलब्मैने न्ह क्रो मि क्रोले प्रद् । धै क्लहेमैंइ मौका योमा प्रभुए सैं तोन् लबै केमैं लद् ।\*

6 क्लहेमैंइ अरूलाइ खोंयोँइ सैं नल् आलल्ले छ्याँबै सैं मैसि ताँ पोल् त्हुम् । धै ताँन् म्हिमेंने खैले जवाफ पिंल् त्हुम् बिसि क्लहेमैंइ सेल् खाम् ।

???? ???? ?

7 डचोए खोबै अलि तुखिकसइ डए बारेबैं ताँन् ताँ क्लहेमैंने बिमिंम् । च प्रभुए केर डचोने बा-बालुन् प्रबै बिश्वास मुँबै म्हि ग ।\*

8 छ्लेन चइ डिए बारेबैं सौसर क्लहेमैंलाइ था सेल् पिसि सैं क्लोल् लमिंरिगे बिसि डइ चलाइ क्लहेमैं डार कुल्मिंब् ग ।\*

9 चने बालु क्लहेमैंए नाँसबैं ओनेसिमस बिबै म्हि या डइ कुल्मिंइमुँ । च येशू स्त्रीष्टर बिश्वास लबै खोबै अलि ग । चुर तरिबै ताँन् ताँमैं चमैंइ क्लहेमैंने बिमिंम् ।\*

\* 4:1 4:1 000 0:१ \* 4:3 4:3 00000 00 000000 000000 000 0 000 00 00 0000000, “यहूदीमैं धोले अरू हेंमैं या स्त्रीष्टने प्रि भ्रिन् तसि परमेश्वरए उँडर ठिक ठदिंल् खाम् ।”

\* 4:5 4:5 000 0:१६ \* 4:7 4:7 0000000 00:४; २ तिमो ४:१२ \* 4:8 4:7-8

000 0:२१-२२ \* 4:9 4:9 0000 00-१२

10 डने बालु झेलर च्युथेंबै थु अरिस्तार्खसइ क्हेमैने जय मसीह बिमिंडमुं।\* छलेन बणाबासए अलि† फेबै मर्कूसज्यै या क्हेमैने जय मसीह बिमिंडमुं। (च मर्कूसए बारेर डइ क्हेमैलाइ ओंसां तां पिंइ: च क्हेमै डाँर खइबिस्याँ चाए मान लद्।)\*

11 झाइले युस्तस बिबै येशूज्यै या क्हेमैने जय मसीह बिमिंडमुं। प्रभुए फिर बिश्वास लबै यहूदीमै न्होर चुमै सों मत्त्रेइ परमेश्वरए ग्याल्सबै तां बिप्रबै के डने बालुन् लसेन्मुं। चुमैइ डाए सैं बेल्ले कहोल लमिंडमुं।

12 क्हेमै न्होबै अकों येशू ख्रीष्टए के लबै म्हि इपाफ्रासज्यै या क्हेमैने जय मसीह बिमिंडमुं। क्हेमैए सैं भोंब तरिगे, ताँन् सैरि पक्का तरिगे, झाइले परमेश्वरजी बिब् धोले क्हेमैइ ताँन् लरिगे बिसि चइ खोयोइन क्हेमैए ल्हागिर बेल्ले प्राथना लसेन्मुं।\*

13 क्हेमै कलस्सीथेंमै, झाइले लाउडिकियाथेंमै नेरो हिरापोलिसथेंमैए ल्हागिर चइ गारो के लइमुं बिसि ड ह्रांसन साक्षि पिल् खाँम्।

14 झाइले खोबै वैद्य लूकाइ नेरो डेमासइ क्हेमैने जय मसीह बिमिंडमुं।\*

15 लाउडिकिया नाँसबै बिश्वासीमै नेरो ड्योए अडाँ नुम्फा, झाइले चाए धिंर खागु तबै बिश्वासीमैने डाए जय मसीह बिमिन्।

16 क्हेमैइ चु फ्हिछ्या खेल खाँबै लिउँइ लाउडिकिया नाँसबै बिश्वासीमैने या खैलसे खेल पिन्। झाइले डइ लाउडिकियालाइ पिमिबै फ्हिछ्या क्हेमैज्यै या खेद्।

17 झाइले अखिप्पसने डउँइले “क्हिइ प्रभुए सेवा खैले लल् त्हुम् बिसि जिम्मा योँइमुं, च के पूरा लद्,” बिसि बिमिन्।\*

\* 4:10 4:10 000000 00:२९; २७:२; फिले २४; चिब्मै १२:१२,२५; १३:१३; १५:३७-३९

† 4:10 4:10 0000 000000 00 000000 0000 “000” 0000 “00000” 0000000-डिहंन्

मुं। \* 4:10 4:10 000000 00:१२,१५; १३:१३; १५:३७-३९ \* 4:12 4:12 00 0:७;

फिले २३ \* 4:14 4:14 0 0000 0:११; फिले २४; २ तिमो ४:१०; फिले 24 \* 4:17

4:17 0000 0

18 डए योउँडँले डइ चु ताँ फ़्लिडमुँ: १ १११११११११११ ११  
 १११११ ११११। ड झेलर च्युइमुँ आम्लेल्ले डए ल्हागिर प्राथना  
 लमिन् ।

परमेश्वरए दयाम्हाँया क्हेमैने तरिगे ।

**Gurung Central Adapt It Study Bible**  
**Gurung: Gurung Central Adapt It Study Bible (New**  
**Testament+)**

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

---

PDF generated using Haiola and XeLaTeX on 2 May 2025 from source files  
dated 3 May 2025

54ead5f0-09ac-5893-ab7c-505713abe514